



“NOR AŞXAP” ARMENIKO EBΔOMADIAIO ENHMEPΩTIKO ENTYPHO

ԶՍ Տարի, թիւ 10(2324), Երկուշաբթի, 5 Մարտ, 2018 (ԿՈՃ. 3379) 61օ Ետօճ, ար.փլլօս 10(2324), Ըււտ՛րա 5 Մարտիօս, 2018

Արցախի Ազգային Ժողովը Սուվկայիթի Կոտորածի 30-րդ Տարելիցին Առիթով Յայտարարութիւն Ընդունեց

Արցախի Հանրապետութեան Ազգային Ժողովը 28 փետրուարի լիագումար նիստին ընդունած է յայտարարութիւն՝ Սուվկայիթ քաղաքի հայ բնակչութեան կոտորածի 30-րդ տարելիցին առիթով: Ստորեւ կը ներկայացրնենք յայտարարութիւնը ամբողջութեամբ:



«1988 թուականի փետրուարի 27-29-ը, Պաքուից ընդամենը 30 քմ հեռաւորութեան վրայ գտնուող Սուվկայիթ քաղաքի հայ բնակչութեան հանդէպ Ազրպէյճանի իշխանութիւնների կողմից իրականացուել է կոտորած եւ բռնի տեղահանութիւն: Նախապէս ծրագրուած վայրագութիւններին զոհ են գնացել հարիւրաւոր հայեր, մեծ մասամբ՝ կանայք, երեխաներ եւ ծերեր, հազարաւոր հայեր զանգուածային բռնութիւններով տեղահանուել են, իսկ նրանց պատկանող գոյքը՝ յափշտակուել:

Սուվկայիթում կազմակերպուած յանցագործութիւնը ազրպէյճանական իշխանութիւնների՝ Նախիջեւանի օրինակով խտրականութեան, ցեղային զտումների եւ հայաթափման խորհրդային տարիներին անպատիժ իրագործուող քաղաքականութեան հերթական դրսեւորումն էր, որը շարունակուեց Պաքում, Գանձակում, հիւսիսային Արցախի միւս հայաբնակ վայրերում: Այդ վայրագութիւններով Պաքուի իշխանութիւնները սպառնում էին իր իրաւունքների պաշտպանութեան համար ոտքի ելած արցախահայութեանը՝ պատանդ դարձնելով Արեւելեան Անդրկովկասի հայութեանը: Մինչդեռ այդ օրերին Արցախում ծաւալուող համաժողովրդական ազատագրական պայքարը կոչուած էր վերջ դնելու հայ մարդու ազգային արժանապատուութեան հանդէպ ոտնձգութիւններին եւ ազրպէյճանական իշխանութիւնների ցեղասպան քաղաքականութեանը:

Յարգելով սուվկայիթեան եղեռնագործութեանը զոհ դարձած անմեղ հայերի յիշատակը եւ համոզուած լինելով, որ պետական մակարդակով իրականացուած հայ բնակչութեան ջարդերն ու կոտորածը անպատիժ թողնելը յանգեցրեց զանգուածային նոր յանցագործութիւնների եւ Ազրպէյճանի կողմից նորանկախ Լեռնային Ղարաբաղի Հանրապետութեան Ժողովրդի դէմ պատերազմի՝ Արցախի Հանրապետութեան Ազգային Ժողովը:

Դատապարտում է խտրականութեան, այլատեսացութեան եւ անհանդուրժողականութեան ցանկացած դրսեւորում,

Գտնում է, որ պաշտօնական Պաքուն ցայսօր շարունակում է լինել ցեղասպանութեան քաղաքականութեան կրողը, որի վերջին վկայութիւնը 2016 թուականի ապրիլին Արցախի քաղաքացիական բնակչութեան հանդէպ իրականացուած յանցագործութիւններն են,

Վերահաստատում է, որ Արցախի Հանրապետութիւնը հետեւողական է լինելու բռնութիւնների եւ տեղահանման ենթարկուած ազրպէյճանահայութեան իրաւունքների վերականգնման ու պաշտպանման գործում,

Կոչ է անում խորհրդարանական կառոյցներին, միջազգային իրաւապաշտպան կազմակերպութիւններին Սուվկայիթի հայ բնակչութեան զանգուածային ջարդերի ու կոտորածի 30-րդ տարելիցի կապակցութեամբ դատապարտել Պաքուի կողմից ազրպէյճանահայութեան դէմ իրագործած ցեղասպանական արարքները:

Ստեփանակերտ

Երեւան կ'ողջունէ Հոլանտայի խորհրդարանի որոշումը

Հայաստանի արտաքին գործոց նախարար Էդուարդ Նալպանտեան հանդէս եկած է յայտարարութեամբ՝ Հոլանտայի Ներկայացուցիչներու պալատին կողմէ Հայոց Ցեղասպանութեան ճանաչումը վերահաստատելու վերաբերեալ:



«Բարձր կը գնահատենք բարեկամ Հոլանտայի խորհրդարանին մէջ այսօր տեղի ունեցած քննարկումները եւ ատոնց արդիւնքով ընդունուած բանաձեւերը, որոնք աներկբայօրէն կը վերահաստատեն 2004-ի Հայոց Ցեղասպանութեան ճանաչումը: Այս քայլով Հոլանտայի խորհրդարանը կրկին հաստատեց իր հաւատարմութիւնը համամարդկային արժէքներուն, ցեղասպանութիւններու եւ մարդկութեան դէմ յանցագործութիւններու կանխարգիլման վեհ գործին», – ըսած է Նալպանտեան:

Reuters-ի հաղորդման համաձայն, քուէարկութենէն առաջ Հոլանտայի արտաքին գործոց նախարար Միկրիտ Գասկ ըսած է, որ երկրի կառավարութիւնը պիտի չհետեւի խորհրդարանի որոշումին: Ան ըսած է, որ «անցեալի դէպքերու մասին խօսելու ատեն պէտք է ծայրայեղ զգուշութեամբ կիրառել «ցեղասպանութիւն» եզրոյթը»:

«Կառավարութիւնը պէտք է շատ ուշադիր ըլլայ Թուրքիոյ հետ յարաբերութիւններուն, որոնք առաջ աւելի լաւ եղած են», – աւելցուցած է նախարարը:

Աւարտին յիշենք, որ երկու երկիրներու յարաբերութիւնները լարուեցան 2017-ին, երբ Հոլանտայէն արտաքսեցին թուրք նախարարը, որ ժամանած էր թուրք բնակչութեան մէջ սահմանադրական հանրաքուէի քարոզարշաւ վարելու նպատակով:

Քնեսեթը կը մերժէ Հայոց Ցեղասպանութիւնը ճանաչող բանաձեւը

Իսրայէլի խորհրդարանը (Քնեսեթ) վերջերս քուէարկութեան դրած է Հայոց Ցեղասպանութիւնը ճանաչնալու մասին բանաձեւը, որ առաջադրուած էր «Եշ Աթիտ» ընդդիմադիր կուսակցութեան առաջնորդ Եայիր Լափիտի կողմէ:



«Ճերուզալեմ Փոսթ»-ի համաձայն, 41 երեսփոխաններ դէմ քուէարկած են, եւ միայն 28 հոգի կողմ քուէարկած է անոր, որուն պատճառով բանաձեւը մերժուած է:

«Չկայ պատճառ, որուն համար Քնեսեթը, որ կը ներկայացնէ Հրէական ողջակիզումէն անցած երկիր մը, չճանչնայ Հայոց Ցեղասպանութիւնը եւ անոր նուիրուած յիշատակութեան օր չունենայ», ըսած է Լափիտ:



**Յարգանք եւ Մեծարանք
Նուիրում
Ամենայն Հայոց Կաթողիկոս
Երջանկայիշատակ
Վազգէն Ա.-ի Կուսակրօն Քահանայ
Ձեռնադրութեան
75-րդ ամեակին առիթով**

Չաւէն Գ. Գրիգորեան

Վազգէն Ա. Պալճեան՝ Ամենայն Հայոց Կաթողիկոսի, Աթենքի մէջ՝ քահանայական ձեռնադրութենէն՝ 1943-էն ետք եւ մինչեւ այսօր, 75 տարիներ անցած են:

Համաշխարհային երկրորդ պատերազմի դժոխային տարիներ էին, երբ Լեւոն Կարապետ Պալճեան Աթենք ժամանեց, ուր Յունաստանի մէջ հայ ժողովուրդը տակաւին թիրախ էր հիւղակներու մէջ կ'ապրէր: Ամէն կողմ չքաւորութիւն՝ նոյնիսկ հացի կարօտ, դժուարին օրեր՝ ամէնօրեայ կենսական կարիքներէ զրկուած տարիներ էին, երբ Լեւոն Կարապետ Պալճեան՝ Աթենք ժամանեց եւ 30 Սեպտեմբեր 1943-ին, Տուրքիոյ Նէոս Գոզմոսի, թիրախ տախտակաշէն Սուրբ Կարապետ եկեղեցիին մէջ, ուխտեց ծառայել Հայաստանեայց Առաքելական Ուղղափառ Սուրբ եկեղեցւոյ եւ այդ օրէն 12 տարիներ ետք 2 Հոկտեմբեր 1955-ին ան պիտի դառնար՝ Վազգէն Ա. Պալճեան Ամենայն Հայոց Կաթողիկոս:

Լեւոն Կարապետ Պալճեանի հայրը՝ ծագումով եղած է Ռոստոսթոյի Աբրահամ Պալճեանի եւ Էտիրնեցի-Ատրիանոփոլիսի Սիրանոյշ Մարգարեանի միակ զաւակը, որ ծնած է Ռումանիոյ Պուրթէշ մայրաքաղաքին մէջ, 20 Սեպտեմբեր 1908-ին:

1917-ին Լեւոն Կարապետ Պալճեանը կը տեսնենք՝ Օտեսայի հայկական նախակրթարանի աշակերտ: Իր ծնողաց հետ՝ Պուրթէշ վերադառնալով՝ մինչեւ 1924 կը յաճախէ տեղւոյն Գերմանական աւետարանական դպրոցը, ուր կը տիրապետէ գերմաներէն լեզուին, ապա կ'աւարտէ տեղւոյն պետական համալսարանի առեւտրական ճիւղը:

Այդ օրէն՝ ուսուցչական ասպարէզը կ'ընդգրկէ Ան եւ կը սկսի դասաւանդել Պուրթէշի հայկական Միսաքեան-Քեսինեան ազգային վարժարանէն ներս, Ռումաներէն լեզու, պատմութիւն եւ աշխարհագրութեան նիւթերը՝ ինչպէս նաեւ հայերէն լեզու:

Առաջին օրէն Ռումանահայերը, խորապէս տպաւորուած էին՝ Լեւոն Կարապետ Պալճեանի՝ բարոյական առաքինագարդ եւ առիւթնոյ յատկանիշերէն:

Ռումանատենչ Լ.Կ. Պալճեան կատարագործելու նպատակաւ իր ուսումը, Պուրթէշի Պետական համալսարանի՝ Գրականութեան եւ փիլիսոփայութեան ճիւղը կ'ընդունուի Սեպտեմբեր 1932-ին:

Կանուխ տարիքէն Պալճեան՝ Պուրթէշի Սուրբ Հրեշտակապետ Մայր Եկեղեցւոյ հետ կապ հաստատելով՝ կը ծառայէր արդէն եկեղեցիէն ներս: Իր ուսանողական եւ ուսուցչական տարիներուն՝ 1934-ին, մտերմական եւ գործնական մասնակցական կապ հաստատած էր՝ Ռումանահայ թեմի Առաջնորդ՝ Յուսիկ Արք. Չոհրապետանի եւ եկեղեցական վարչութեան հետ, միշտ մաս կազմելով մշակութային բոլոր ձեռնարկներուն եւ յաճախ ալ բանախօսելով:

Նոյեմբեր 1934-ին՝ Պուրթէշ կը ժամանէր, Մայր Աթոռ Սուրբ Էջմիածնի նուիրակ՝ Գարեգին Արք. Յովսէփեան, Մարտարապատի հերոս՝ Աւետիս Երեցը, որ այդ լինելու եւ չլինելու օրերուն, խաչը ձեռքին ճակատամարտի առաջին գիծերուն վրայ, խիզախացած է՝ ի սէր հայրենիքի՝ Հայաստանի անկախութեան՝ Պետականութեան եւ Հայաստանեայց Առաքելական Ուղղափառ Սուրբ եկեղեցւոյ համար:

Գարեգին Արք. Յովսէփեան՝ ներկաներուն կը հաղորդէ Հայրապետական խօսքը՝ Օրինութիւնը եւ իր պատգամները:

Այդ օրերուն՝ ի ներկայութիւն Գարեգին Արք. Յովսէփեանի, Սրբազան հօր նուիրում երեկոյթին առթիւ, Լեւոն Կ. Պալճեան, հայրանասիրական՝ եկեղեցասիրական՝ դիւցազնական ճառ մը կ'արտասանէ, վեր առնելով՝ Սրբազան հօր հերոսական մասնակցութիւնը՝ Մարտարապատի ճակատամարտին՝ այդ որոշիչ օրերուն՝ երբ համայն հայ ժողովուրդը կը պատերազմէր, իր գոյութեան սրբազան նպատակին համար, խորապէս, ոգեւորելով եւ ներշնչելով ներկաները՝ Մարտարապատեան ոգիով:

Լեւոն Կ. Պալճեան 1936-ին, համալսարանի պետական քննութիւնները Գերազանց կերպով կ'աւարտէ ինչպէս նաեւ իր ուսումնական շրջանը, ներկայացնելով իր թէզը, նիւթ ունենալով

«Կարգապահութեան հարցը Մանկավարժութեան մէջ» հետեւողութեամբ Ամերիկայի Մանկավարժ դաստիարակ փիլիսոփայ «John Dewey» տեսութիւններուն, ուր գերազանց աստիճանով կ'ստանայ գրականութեան եւ դաստիարակչական փիլիսոփայութեան եւ մանկավարժական, մասնագիտական տիտղոսի վկայականը:

1937-1942 թուականներուն, Պալճեանի գրական եւ հրապարագրական ստեղծագործութիւններու՝ հարուստ շրջան մը կը բոլորէ՝ ինչպէս նաեւ իր կապերը՝ եկեղեցւոյ եւ թեմի Առաջնորդ Արք. Չոհրապետանի հետ կամրապնդուին, ստեղծուելով՝ սիրոյ՝ յարգանքի՝ գնահատանքի մթնոլորտը, եւ իր մէջ կը բիրեղանայ սէրը՝ հանդէպ եկեղեցւոյ, եւ այդ գեղեցիկ նուիրումի՝ ծառայութեան առաքինութիւնը, կը վերածուի՝ ամէնօրեայ սովորական՝ վարքի երեւոյթի մը, որ կը հաստատէ՝ իր Աստուածապաշտական շնորհքը, յայտնուելով իր այդ տարիներու գործունէութեան մէջ:

1940 թուականին՝ գրական քննական ուսումնասիրութիւն մը կը հրատարակէ ոգեշնչուելով FRANZ WERFEL-ի «Մուսա լերան քառասուն օրերը» վէպին մասին:

1943-ին լոյս կ'ընծայէ «Ետիմեան Հայրիկ որպէս Դաստիարակ» ուսումնասիրութիւնը, որ 155 էջերէ բաղկացած է:

Այդ օրերուն՝ կը վախճանի Ռումանահայ թեմի Առաջնորդ, Յուսիկ Արք. Չոհրապետան՝ 71 տարեկանին՝ 23 Հոկտեմբեր 1942-ին:

Թեմական ժողովի որոշմամբ՝ առաջնորդական առժամեայ տեղապահ կը նշանակուի, Մամբրէ Քինյ. Պիպերեան:

Ռումանահայ եկեղեցական վարչութեան անդամները՝ անմիջականօրէն կը ձեռնարկեն, առաջնորդի թեկնածու մը գտնելու գործին, եւ վարչական բոլոր անդամներուն ուշադրութիւնը եւ մտածողութիւնը կը յարի, ուղղուելով եւ կեդրոնանալով, Լեւոն Կարապետ Պալճեանի վրայ, որ պատրաստ թեկնածու մըն էր, իր ունեցած եւ ապացուցած բոլոր տուեալներով, ինչպէս նաեւ համալսարաններ աւարտած, գրականագէտ, քաջատեղեակ ռումաներէն եւ հայերէն լեզուներուն եւ մանաւանդ կոչում եւ նուիրում ունի՝ հանդէպ եկեղեցիին լաւագոյնս կ'արտայայտէր կատարեալ հոգեւորականի մը բոլոր պայմանները:

Ռումանահայ գաղութի հաւատացեալներու բացարձակ մեծամասնութեան առաջարկով եւ խնդրանքով, Լեւոն Կարապետ Պալճեան՝ կ'ընդունի առաջարկը եւ կ'որոշէ հոգեւորական դառնալ 35 տարեկանին:

Ռումանահայ գաղութի եկեղեցական վարչութիւնը, կապ հաստատելով՝ Յունաստանի Առաջնորդ՝ Կարապետ Արք. Մազլումեանի հետ, Սեպտեմբեր 1943-ին, Լեւոն Կարապետ Պալճեան՝ Աթենք կը ժամանէ, քահանայական աստիճան ստանալու համար:

Աշխարհական վիճակէ՝ հոգեւորական աստիճան ստանալու համար եւ մանաւանդ քահանայ ձեռնադրուելու համար, Մազլումեան Սրբազան երկու օրերու ընթացքին՝ աշխարհական թեկնածուն, նախ դպիրի աստիճան կը բարձրացնէ, ապա եկեղեցական արարողութիւններով՝ բացառաբար, կիսասարկաւազ, ապա սարկաւազ, ապա քահանայի ձեռնադրութեան արարողութիւնը կը կատարէ, մկրտելով եւ վերակոչելով թեկնածուն, Տէր Վազգէն վարդապետ Պալճեան, Կիրակի 30 Սեպտեմբեր 1943-ին:

Պատմաբան՝ Տոքթ. Չաւէն Աւագ Քինյ. Արզումանեան, իր «Ազգապատում»ի երկրորդ գիրքին մէջ, յօդուած թիւ 3518-ին մէջ մանրամասնօրէն կը բացատրէ թէ՛ ինչպէ՛ս Վազգէն վրդ. Պալճեան, քահանայի եւ վարդապետի աստիճանին հասած ըլլալու բացառութիւնը:

Վազգէն վրդ. Պալճեան, Ռումանիա վերադառնալով, իր անդրանիկ Պատարագը կը մատուցանէ՝ Սուշավայի Սուրբ Հանկատար եկեղեցիին մէջ:

Նորընծայ Հայր Վազգէն վրդ. Պալճեան, 28 Նոյեմբեր 1943-ին, ինչպէս որ պատմաբանը կը յիշատակէ, «ծովածաւալ բազմութեան առջեւ», Պուրթէշի Սուրբ Հրեշտակապետ Մայր Տաճարին մէջ, կը մատուցանէ իր երկրորդ պատարագը, եւ նոյն օրը, թեմի Պատգամաւորական ժողովը, զինքը կ'ընտրէր Ռումանահայ թեմի Առաջնորդական տեղապահ:

Մայր Աթոռ Ս. Էջմիածնի մէջ 20 Մայիս 1948-ին, Գեորգ Չ. Չորեքեան՝ Ամենայն Հայոց Կաթողիկոսի կողմէ Ճայրագոյն վարդապետի աստիճան կ'ստանայ:

Վազգէն Ճայրագոյն վրդ. Պալճեան 8 Յուլիս 1951-ին, Գեորգ Չ. Ամենայն Հայոց Կաթողիկոսի ձեռամբ, եպիսկոպոս կը ձեռնադրուի Մայր Աթոռ Ս. Էջմիածնի մէջ:

Շարունակում էջ 2-ի

Յարգանք եւ Մեծարանք Նուիրում...

Գեորգ Զ. Ամենայն Հայոց Կաթողիկոս, իմաստուն՝ լայնախոհ՝ հետատես՝ մեծ հայրենասէր՝ բարեկարգիչ հայրապետ մը եղաւ: Այդ դժուարին պատերազմի օրերուն 1941 թուականէն սկսեալ, Վեհափառը կրցաւ իր յարաբերութիւնները բարելաւել՝ պետական բարձրագոյն կառոյցներու հետ, շնորհիւ իր խաղաղասէր նկարագրին եւ բարեհաճ եւ բարեհամբաւ վարքին: Վեհափառը այս սարսափի օրերուն՝ 1944 թուականին՝ յաջողեցաւ արտասահմանի օժանդակութեամբ «Մասունցի Դաւիթ» 22 հրասայլերու շարքը նուիրել Խորհրդային Միութեան, որուն դրամական հաւաքին մէջ, Ռամկավար Ազատական Կուսակցութիւնը իր զգալի մասնակցութիւնը ունեցաւ:

Գեորգ Զ. Կաթողիկոսի այս ջանքերը նկատի առնուելով, Վեհափառին օրով 18 եկեղեցիներ սկսան գործել Հայաստանի մէջ, (11) նոր միաբաններ պատրաստեց, 1951-ին (5) եպիսկոպոսներ ձեռնադրեց եւ 1953-ին Մայր Աթոռի ճեմարանի աշակերտութեան թիւը 34ի բարձրացուց:

Այս բոլորը՝ սկիզբը եղաւ՝ Մայր Աթոռ Ս. Էջմիածնի զարթօնքի եւ բարեկարգման շրջանին, որմէ ետք Վազգէն Ա.-ի օրով, Մայր Աթոռը զարգացաւ՝ ուռճացաւ՝ ճոխացաւ եւ ծաղկեցաւ եւ այսօր վեհապետական պատկառանք ունեցող Հայաստանեայց Առաքելական Մայր Աթոռ մը դարձած է, համաշխարհային այլ եկեղեցիներու շարքին:

Գեորգ Զ. Զորեքնեան Ամենայն Հայոց Կաթողիկոս, նախքան իր վախճանումը, Մայր Աթոռի Տեղապահ կը նշանակէ Եղիշէ Արք. Տէրտէրեանը:

Գեորգ Զ. Ամենայն Հայոց Կաթողիկոս կը վախճանի Մայիս 1954-ին:

Մայր Աթոռ Ս. Էջմիածնի Գերագոյն հոգեւոր խորհուրդը 1954-ին վերջաւորութեան, Վազգէն Եպիս. Պալճեանը, Պուլկարիոյ թեմի Առաջնորդ կ'ընտրէր եւ իր 31 Դեկտեմբեր 1954-ի նիստին յատուկ պաշտօնագրով կը տեղեկացնէր Պուլկարահայ թեմի եկեղեցական խորհուրդին:

Վազգէն Եպիս. Պալճեան՝ Պուրբէշէն Հայաստան կը ժամանէ 11 Դեկտեմբեր 1954-ին: Սրբազան հօր ժրջանութիւնը՝ ջանասիրութիւնը՝ աշխատանքի կորովը, նախանձախնդրութիւնը, ուշիմութիւնը, ուսումնական պատրաստութիւնը, որոշապէս ուշադրութիւնը կը գրաւէ, Մայր Աթոռ Սուրբ Էջմիածնի Միաբաններուն՝ Գերագոյն հոգեւոր խորհուրդի անդամներուն եւ պետական եկեղեցակապատկան պատասխանատու մարմիններուն:

Վազգէն Եպիս. Պալճեան 11 Դեկտեմբեր 1954-էն մինչեւ 4 Մարտ 1955, որպէս հոգեւորական նուիրակ, կը շրջի Հայաստանի ներքին ինչպէս նաեւ Վրաստանի եւ Ազրայէճանի եկեղեցական բոլոր թեմերը, ուր կը պատարագէ՝ կը քարոզէ եւ կը խրախուսէ բոլոր հաւատացեալները:

Մայր Աթոռ Ս. Էջմիածնի Գերագոյն հոգեւոր խորհուրդը՝ նախագահութեամբ Վահան Արք. Կոստանեանի, 5-7 Յունիս 1955-ին ժողով կը գումարէ եւ ժողովի ընթացքին, կ'որոշեն, Ազգային եկեղեցական ժողով գումարել 17 Օգոստոս 1955-ին, ուր օրակարգի ցանկը պիտի ունենար մէկ նիւթ, որն էր՝ Ամենայն Հայոց Կաթողիկոսի ընտրութիւնը:

Այս առիթով ժողովը կ'ընտրէ Կաթողիկոսի ընտրութեան «Կեդրոնական կազմակերպիչ Յանձնաժողովը» ուր պիտի կազմակերպէր՝ Ամենայն Հայոց Կաթողիկոսի ընտրութիւնը:

Սոյն Յանձնաժողովին՝ անդամներ կ'ընտրուին, ուրքը հոգեւորականներ, որոնց մաս կը կազմեն՝ Վազգէն Եպիս. Պալճեան, Եղիշէ Արք. Տէրտէրեան, Գարեգին Պատրիարք Խաչատուրեան, Խատ Արք. Աջապահեան եւ երկու աշխարհականներ, հայրենի մեծ բանաստեղծ Աւետիք Իսահակեան եւ Ստեփան Կամսարական:

Գերագոյն հոգեւոր Խորհուրդը, 18 Օգոստոս 1955-ին կը տեղեկացնէր՝ նուիրապետական Թեմակալ Աթոռները, որ 25-30 Մեպտեմբերի տեղի պիտի ունենայ Ամենայն Հայոց Կաթողիկոսի ընտրութիւնը:


28 Մեպտեմբեր 1955-ին Երեւան կը ժամանեն պատգամաւորները եւ թեմակալ եպիսկոպոսները:

29 Մեպտեմբեր 1955-ին, Մայր Աթոռ Ս. Էջմիածնի տեղակալ՝ Վահան Արք. Կոստանեան, բացումը կը կատարէր՝ 140 պատգամաւորներու ներկայութեան, ազգային եկեղեցական ժողովը:

Ուրբաթ 30 Մեպտեմբեր 1955-ին երկրորդ նիստը տեղի կ'ունենար, Մայր Աթոռ Ս. Էջմիածնի Տաճարին մէջ՝ յետ միջօրէին ժամը 3-ին, օրակարգ ունենալով՝ Ամենայն Հայոց Կաթողիկոսի ընտրութիւնը:

Լոյս Տեսած Է Վազգէն Ա Կաթողիկոսի Քարոզներու Եւ Խօսքերու Ժողովածուն

Ն.Ս.Օ.Տ.Տ. Գարեգին Բ Շարագոյն Պատրիարք եւ Ամենայն Հայոց Կաթողիկոսի օրհնութեամբ Մայր Աթոռ Սուրբ Էջմիածնի Հրատարակչական բաժինը լոյս ընծայած է երջանկայիշատակ Վազգէն Ա Պալճեան (1955-1994թթ.) Ամենայն Հայոց Կաթողիկոսի Երկերու Ժողովածուի Բ հատորը՝ «Քարոզներ եւ խօսքեր» վերնագիրով՝ նուիրում Հայոց 130-րդ Հովուապետի ծննդեան 110-ամեակին:



Ինչպէս «Հայերն այսօր»-ին կը յայտնեն Մայր Աթոռ Ս. Էջմիածնի, Տեղեկատուական համակարգէն, ժողովածուին մէջ տեղ գտած են Վազգէն Ա Կաթողիկոսի՝ տարբեր եկեղեցական սօներու եւ յիշարժան արարողութիւններու առիթներով խօսուած քարոզները, որոնք ի մի բերուած են ցայսօր Վեհափառ Հայրապետին նուիրում ժողովածուներէն եւ «Էջմիածնի» ամսագիրէն:

Ժողովածուն հրատարակութեան պատրաստուած է Հրատարակչական բաժնի տնօրէն Արժանապատիւ Տ. Արարատ քահանայ Պօղոսեանի ջանքերով:

Գիրքը տպագրուած է «Մարգիս Գաբրիէլեան» հիմնադրամի մեկենասութեամբ:

Նոյն օրը՝ ուրբաթ երեկոյեան ժամը 5.30-ին կ'աւարտէր քուէարկութիւնը եւ կ'ընտրուէր ի ներկայութեան 137 պատգամաւորներու, Վազգէն Եպիս. Պալճեան, Ամենայն Հայոց Կաթողիկոս, հետեւեալ թեկնածուներուն մէջէն:

1. Գարեգին Պատրիարք Խաչատուրեան (6) քուէ
2. Վահան Արք. Կոստանեան (2) քուէ
3. Մամբրէ Եպիսկ. Սիրունեան (1) քուէ
4. Մամբրէ Արք. Գալֆայեան (1) քուէ
5. Տիրան Եպիսկ. Ներոցեան (1) քուէ
6. Վազգէն Եպիսկ. Պալճեան (125) քուէ

Կիրակի 2 Հոկտեմբեր 1955-ին, Հայրապետական Օծումը կը կատարուի Ս. Էջմիածնի Մայր Տաճարին մէջ, ձեռամբ ուրքը (8) եպիսկոպոսներու՝ եւ ի ներկայութիւն պատգամաւորներու եւ հոծ հաւատացեալներու:

Վազգէն Ա. Պալճեան՝ Ամենայն Հայոց Կաթողիկոսի, իր առաջին եկեղեցական պարտականութիւնը կը կատարէր, ձեռնադրելով (7) վարդապետներու եպիսկոպոսացումը:

Երեսուն տարիներ ետք, Կիրակի 16 Հոկտեմբեր 1955-ին, Վազգէն Ա. Ամենայն Հայոց Կաթողիկոս, ի ներկայութեան

15 եպիսկոպոսներու, Սուրբ Միւռնոսօրհնէքի օծումը կը կատարէր:

Այդ դժուարին տարիներուն՝ Յունաստանէն՝ Ամենայն Հայոց Կաթողիկոսի ընտրութեան եւ Միւռնոսօրհնէքի ծիսակատարութիւններու արարողութիւններուն՝ որպէս Յունաստանի Պատուիրակ ներկայ գտնուած է, համարձակ եւ քաջարի, գաղափարի եւ սկզբունքի տէր անձնաւորութիւն մը, յանձինն Ստեփան Գարայեանի, որուն արժանաւոր գաւակները՝ Հայկը եւ Ռաֆֆին եւ մասնաւորապէս Հայկ եւ Ալիս Գարայեանները իրենց ներկայութեամբ, պատուելով այսօր Վազգէն Ա. Ամենայն Հայոց Կաթողիկոսի յուշատօնը, յարգած եղան նաեւ իրենց հօրը յիշատակը:

Այսօր Մայր Աթոռ Սուրբ Էջմիածնի իր պատկառելի յանգամանքը եւ ներկայութիւնը ունի, աշխարհի բոլոր եկեղեցիներու շարքին, եւ օրէ օր՝ իր նոր ծրագիրներով եւ նոր նուաճումներով՝ հպարտութիւն եւ պատիւ կը ներշնչէ, ռելէ ճշմարիտ քրիստոնէայ հաւատացեալի եւ մանաւանդ հայ հաւատացեալին:

Այտնք

«Դէպի Հայրենիք, Դէպի Սուրբ Էջմիածին» Կարգախօսի Ներքոյ Ժողով Մայր Աթոռին Մէջ



2018 թ. Ն.Ս.Օ.Տ.Տ. Գարեգին Բ Օսյրագոյն Պատրիարք եւ Ամենայն Հայոց Կաթողիկոսի կողմէ հռչակուած է որպէս Երիտասարդութեան տարի:

Փետրուար 19-20 Մայր Աթոռ Սուրբ Էջմիածինի մէջ տեղի ունեցաւ «Դէպի Հայրենիք, դէպի Սուրբ Էջմիածին» կարգախօսի ներքոյ Երիտասարդութեան տարի հռչակման ծրագիրի կազմակերպչական խումբի ժողովը՝ նախագահութեամբ Հայ Եկեղեցւոյ Երիտասարդաց Միաւորման հոգեւոր պատասխանատու Գերաշնորհ Տ. Յովնան արքեպիսկոպոս Տէրտէրեանի:

Ինչպէս «Հայերն այսօր»-ին կը տեղեկացնեն Մայր Աթոռ Ս. Էջմիածնի տեղեկատուական համակարգէն, ժողովին իրենց մասնակցութիւնը բերին Ռուսմանիոյ Հայոց թեմի առաջնորդ Գերաշնորհ Տ. Տաթևի եպիսկոպոս Յակոբեան, ԱՄՆ Արեւմտեան Հայոց թեմէն արժանապատիւ Տ. Աւետիս քին. Արովեան, ՀԵՇՄ կեդրոնական գրասենեակի տնօրէն Գեորգ Մկրտչեան, Ռուսաստանի եւ Նոր Նախիջեւանի Հայոց թեմի երիտասարդական խորհուրդի ներկայացուցիչ Վարդան Պօղոսեան, ինչպէս նաեւ ՀԵՇՄ ԿԳ աշխատանքային խումբը:

Ժողովի ընթացքին քննարկուեցան երիտասարդական տարի հռչակման ծիրէն ներս 2018 թ. յուլիս 4-8 ծրագրուող ձեռնարկներուն հետ առնչուած կազմակերպչական հարցեր:

Գերագոյն Հոգեւոր Խորհուրդի Յայտարարութիւնը՝ Կոստանդնուպոլսոյ Հայոց Պատրիարքութեան

Փետրուար 20-23, Մայր Աթոռ Սուրբ Էջմիածինի մէջ, նախագահութեամբ Ն.Ս.Օ.Տ.Տ. Գարեգին Բ. Ամենայն Հայոց Կաթողիկոսի, տեղի ունեցած Գերագոյն հոգեւոր խորհուրդի ժողովին ընթացքին ներկեղեցական հարցերու շարքին անդրադարձ կատարուեցաւ Կոստանդնուպոլսոյ Հայոց Պատրիարքութեան կեանքի վերջին տարիներու զարգացումներուն եւ պատրիարքական ընտրութիւններու կազմակերպման գործընթացին:



Այս մասին կը հաղորդեն Մայր Աթոռի տեղեկատուական համակարգէն: Քննարկումներուն իբրեւ արդիւնք՝ Գերագոյն հոգեւոր խորհուրդը հանդէս եկաւ հետեւեալ յայտարարութեամբ.

«Գերագոյն հոգեւոր խորհուրդը կրկին իր մտահոգութիւնը կ'արտայայտէ Կոստանդնուպոլսոյ Հայոց Պատրիարք Ամենապատիւ Տ. Մեսրոպ արքեպիսկոպոս Սուրբաֆեանի հիւանդութեան պատճառով անցնող տասը տարիներուն ընթացքին Պատրիարքութեան եւ պոլսահայութեան կեանքին մէջ տեղ գտած անցանկալի զարգացումներուն առնչութեամբ: Պատրիարքական Աթոռին շուրջ ստեղծուած իրավիճակը յուրջ անհանգստութիւն եւ ընդվզում առաջացուցած է աշխարհասփիւռ մեր ժողովուրդին մէջ:

Փաստացի թափուր Աթոռի իրողութեան եւ նոր պատրիարքական ընտրութիւններ իրականացնելու հրամայականին առջեւ՝ 2016 թուականին Պատրիարքութեան մէջ նոր զգայունութիւններ առաջացան, որոնց փարատման համար՝ Ամենայն Հայոց Կաթողիկոսի յորդորով՝ Սուրբ Էջմիածին հրաւիրուած Աթոռի եպիսկոպոսաց դասը յանձնառու եղաւ հանգուցալուծման առաջնորդելու առկայ խնդիրները: Իբրեւ արդիւնք՝ պատրիարքական տեղապահի ընտրութիւնը նոր յոյս ներշնչեց պատմական Աթոռը գահակալով օժտելու եւ պոլսահայութեան բնականոն կեանքը վերականգնելու առումով:

Յաւով կ'արձանագրենք, որ կարճ ժամանակ անց եկեղեցական պատասխանատու մարմիններու եւ անհատներու անշրջահայեաց քայլերուն հետեւանքով՝ ստեղծուեցաւ իրավիճակ մը, որ առիթ տուաւ արտաքին ներազդեցութիւններու եւ Թուրքիոյ իշխանութիւններու միջամտութեան՝ յանգեցնելով նորանոր յուզումներու եւ վերստին ձախողելով պատրիարքական ընտրութիւններու կազմակերպման ի նպաստ ներդրուած ջանքերը:

Մայր Աթոռ Սուրբ Էջմիածինը մշտապէս ողջունած է պոլսահայութեան կամարտայայտութիւնը եւ իր զօրակցութիւնը բերած է Աթոռի պատկան կառոյցներուն կողմէ առնուող որոշումներուն:

Պոլսոյ Պատրիարքութեան Կրօնական ժողովի 2018 Փետրուար 9-ի որոշումը նկատի առնելով հանդերձ՝ սթափութեան կոչ կ'ուղղենք Աթոռի միաբաններ Գերաշնորհ Տ. Գարեգին արքեպիսկոպոս Պէքճեանին, Գերաշնորհ Տ. Արամ արքեպիսկոպոս Աթէշեանին, Գերաշնորհ Տ. Մահակ եպիսկոպոս Մաշալեանին եւ մնացեալ եկեղեցականներուն՝ սեփական ձգտումներէն ու միջանձնային յարաբերութիւններէն վեր դասելու եւ առաջնային նկատելու Կ.Պոլսոյ Աթոռի շահը՝ ամենայն իմաստութեամբ եւ յանձնառութեամբ սրբազրելու արձանագրուած սխալ գործընթացները եւ վերականգնելու խաղաղութիւնը, միասնութիւնն ու համերաշխութիւնը պոլսահայոց ալեկոծեալ կեանքին մէջ:

Մայր Աթոռ Սուրբ Էջմիածինի յորդորն է Կրօնական ժողովի անդամներուն եւ համայնքին մէջ հանգամանք ու հեղինակութիւն ունեցող աշխարհական հայորդիներուն՝ միաբան ու համախորհուրդ, Հայոց Եկեղեցւոյ կանոններուն եւ օրինական պահանջներուն պահպանութեամբ, հետամուտ ըլլալու երկարամեայ ծանր հիւանդութեան մէջ գտնուող Ամենապատիւ Մեսրոպ Պատրիարքին անգործունեայ ճանչնալուն եւ պետութեան հետ սահմանուած ընթացակարգով պատրիարքական ընտրութիւններու կազմակերպման՝ ի պայծառութիւն Պոլսոյ Հայոց Պատրիարքութեան եւ ի մխիթարութիւն մեր բարեպաշտ ժողովուրդի:

Մեր ակնկալութիւնն է Թուրքիոյ իշխանութիւններէն, որ ընդառաջեն Հայոց Պատրիարքի ընտրութիւններու կազմակերպման հայ համայնքի արդար պահանջին:

Հանդարտութեան հրաւեր կ'ուղղենք նաեւ աշխարհասփիւռ մեր ժողովուրդին՝ ողջախոհութեամբ եւ զսպուածութեամբ առիթ ընձեռելու Պոլսոյ Աթոռին յաղթահարելու ստեղծուած կացութիւնը:

«Եւ վերջապէս, եղբայրներ, ո՛ղջ եղէք, հաստատուն մնացէք, մխիթարուեցէ՛ք, միաբան եղէք, խաղաղութիւն ըրէք. եւ խաղաղութեան ու սիրոյ Աստուածը թող ըլլայ ձեր հետ» (Բ Կորնթ. ԺԳ 11):»

ԱՄԷՆ ԳՆՈՎ
ՊԷՏՔ Է
ՊԱՀՊԱՆՈՒԻ
ՀԱՅՐԵՆԻՔԻ
ԶԱԻԱԿՆԵՐՈՒ
ԱՐԵԱՄԲ
ՉԵՌՔ
ԲԵՐՈՒԱԾԸ

Ստորագրուեցաւ Հայաստան-Եւրոմիութիւն առաջնահերթութիւններու փաստաթուղթը

Հայաստանի արտաքին գործոց նախարար Էդուարդ Նալչանտեան եւ Եւրոպական Միութեան արտաքին գործոց եւ անվտանգութեան քաղաքականութեան հարցերով բարձր ներկայացուցիչ, Եւրոպական յանձնաժողովի փոխնախագահ Ֆետերիքա Մոկերինին Պրիքսելի մէջ ստորագրեցին Հայաստան-ԵՄ գործընկերութեան առաջնահերթութիւններու իրագործման մասին փաստաթուղթը:



Փետրուար 21-ին Պրիքսելի մէջ կայացած հանդիպման Նալչանտեան եւ Մոկերինի անդրադարձան COSME եւ «Հորիզոն 2020» ծրագիրներուն Հայաստանի մասնակցութեան, Ընդհանուր օդային գոտիի մասին համաձայնագրի շուրջ բանակցութիւններուն: Կողմերը գոհունակութիւն յայտնեցին յաջորդ ամիս «Ստեղծագործ Եւրոպա» ծրագրին Հայաստանի միանալու կապակցութեամբ:

Հայաստանի արտաքին գործոց նախարարն ու ԵՄ Բարձր ներկայացուցիչը մտքեր փոխանակեցին նաեւ միջազգային եւ տարածաշրջանային խնդիրներու շուրջ: Էդուարդ Նալչանտեան Ֆետերիքա Մոկերինին ներկայացուց Լեռնային Ղարաբաղի հիմնահարցի խաղաղ կարգաւորման ուղղութեամբ Հայաստանի եւ ԵԱՀԿ Մինսկի խումբի համանախագահ երկիրներու համատեղ ջանքերը:

Համակարգչային ուսուցման լսարանի բացում ՌԱԿ Շիրակի մարզային գրասենյակում



ՌԱԿ Կենտրոնական վարչության հովանավորությամբ Շիրակի մարզային գրասենյակում 2018 թ. փետրվարի 24-ին հիմնադրվեց համակարգչային անվճար ուսուցման լսարան, որի բացմանը ներկա էին ՌԱԿ Կենտրոնական վարչության փոխատենապետ ընկ. Կարեն Կակոյանը, «Փանոս Թերլեմեզյան» և «Արշակ Չոպանյան» ակումբների մի շարք անդամներ, մարզի այլ ՌԱԿ անդամներ և համակիրներ, լրագրողներ, ՏՏ ոլորտի մասնագետներ, ուսանողներ:

Լսարանը կոչված է մարզում իրականացնելու համակարգչային տարբեր ծրագրերի երկարատև ուսուցում 15-ից բարձր տարիքի անձանց համար առաջնահերթությունը տալով սոցիալապես անապահով խավին:

Համալրվելու են սովորողների բազմաշերտ խմբեր՝ կապված դասավանդվող ծրագրերի տեսակներից:

Սկզբնական գիտելիքների ուսուցումը կիրականացվի սովորողների դիմումների հիման վրա, ավելի բարդ ծրագրերը ընտրության կարգով:

Զախարովա. «Երեւանը ազատագրելու մասին Ալիեւի յայտարարութիւնը չի նպաստեր լարուածութեան թուլացման»

Ռուսիոյ արտաքին գործոց նախարարութեան բանբեր Մարիա Զախարովա Մոսկուայի մէջ մամուլի ասուլիսի մը ընթացքին անդրադարձած է Ատրպէյճանի նախագահ Իլհամ Ալիեւի՝ Երեւանի մասին յայտարարութեան: Այս մասին կը հաղորդէ Ռուսիոյ արտաքին գործոց նախարարութեան կայքը:



Պատասխանելով այն հարցումին, թէ Ռուսիան՝ իբրեւ ԵԱՀԿ-ի Մինսքի խմբակի համանախագահ, ինչպէ՞ս կը գնահատէ Ալիեւի յայտարարութիւնը, Երեւանի՝ ատրպէյճանական պատմական տարածք ըլլալուն եւ զայն ազատագրելու մասին, Զախարովա ըսած է. «Շատ լաւ գիտենք, որ Ատրպէյճանի դրացի Հայաստանի հետ յարաբերութիւնները ծայրայեղ լարուած են: Վերոնշեալ արտայայտութիւնը ակնյայտօրէն չի նպաստեր լարուածութեան թուլացման»:

Անդրադառնալով Հայաստանի եւ Ատրպէյճանի մէջ գարնան տեղի ունենալիք նախագահական ընտրութիւններուն եւ անոնցմէ ետք Լեռնային Ղարաբաղի տագնապի լուծման հեռանկարներուն՝ Զախարովա ըսած է. «Անկեղծօրէն յոյս ունինք, որ այդ տագնապը պիտի գտնէ իր լուծումը: Ինչպէս գիտէք, մենք պատշաճ ուշադրութիւն կը դարձնենք ստոր»:

Յիշեցնենք, որ Միացեալ Նահանգներու ազգային հետախուզութեան տնօրէն Տանիէլ Քոուցի կողմէ վերջերս հրապարակուած «Սպառնալիքներու համաշխարհային գնահատականը» զեկուցումը կը նշէր, որ Լեռնային Ղարաբաղի շուրջ լարուածութիւնը կրնայ վերածուիլ Հայաստանի եւ Ատրպէյճանի միջեւ լայնածաւալ զինուորական տագնապի, որ կրնայ ներգրաւել Ռուսիան՝ իր շրջանային դաշնակիցին աջակցելու համար:

Փաստաթուղթը կը ներկայացնէ 2018-ին Միացեալ Նահանգներու ազգային անվտանգութեան սպառնալիքներու գնահատականը:

Մասնաւորաբար Ղարաբաղին նուիրուած հատուածին մէջ կը նշուի. «Երկու կողմերու՝ փոխզիջումի դիմելու ցանկութեան բացակայութիւնը, այլ կողմերէն ճնշման յաւելումը, Ատրպէյճանի զինուորական բնագաւառին կայուն արդիականացումը եւ 2018-ին Հայաստանի կողմէ նոր ռուսական զենքի ձեռքբերումը կրնան լայնածաւալ զինուորական գործողութիւններու յանգեցնել»:



Սովորողները և ակումբի անդամները կարող են անվճար օգտվել նաև ինտերնետային կայքից, տպող և պատճենահանող սարքից:

Ինչպէս իր խոսքում նշեց ՌԱԿ Կենտրոնական վարչության փոխատենապետը, առանձնակի ուշադրություն կտրվի երիտասարդության կողմից պահանջված ծրագրերի ուսուցմանը:

Ծրագրերը կուսուցանվեն բարձրակարգ մասնագետների կողմից:

Ներկաները լսարանի բացումը ընդունեցին խանդավառությամբ, երիտասարդ երգչուհիների քառյակը կոմիտասյանական երգերով լցրեցին լսարանը, ՌԱԿ Շիրակի մարզային կառույցի համակարգող Հովիկ Կարապետյանը բոլորի անունից շնորհակալություն հայտնեց ՌԱԿ Կենտրոնական վարչությանը և ՌԱԿ Կենտրոնական վարչության փոխատենապետ ընկ. Կարեն Կակոյանին՝ լսարանի բացման անմիջական կազմակերպման համար:

Մայտա Պալթայեանի Յիշատակին

Եղեռնի տարագրութենէն ետք՝ այսօր երկրորդ սերունդը կ'անհետանայ՝ կամ արդէն անհետացած է եւ իրեն հետ կը տանի հայրենական դարերով ժառանգուած ընտանեկան սրբութիւններ, առտնին՝ ընկերային կենցաղային սովորութիւններ՝ աւանդութիւններ եւ մեր գաւառային ամենօրեայ կեանքին պատմութիւնները:

Այս սերունդը որ անապատներէն ոտաբոսակ կ'ուտաններ հասաւ, ձեռք ձեռքի տուին երիտասարդ տարագիրներուն հետ եւ այդ դժուարին դժոխային օրերուն, կրցան ներկայ գաղութներուն սկզբնական հիմերը դնել: Եկեղեցի կառուցեցին՝ դպրոցներ բացին, սփիւռքի գաղութները կերտեցին՝ կազմակերպեցին՝ դժուար պայմաններու մէջ մեծ գոհողութիւններով, գործունէայ անդամներ դարձան՝ եկեղեցական՝ բարեսիրական՝ հայրենակցական հաստատութիւններու մէջ, վճարելով իրենց արեան ցեղակցութեան տուրքը՝ վերապրումի վերականգնումի աշխատանքներուն եւ այս հաւատարիմ հաւատացեալներէն եղած էին Տէր եւ Տիկին Աստուր եւ Մայտա Պալթայեանները:

Աստուր Պալթայեան եղած է ճշմարիտ եկեղեցաւեր՝ հայրենաւեր ազգային մը, իր գործունէայ մասնակցութիւնը եւ հետաքրքրութիւնը ունեցած է՝ Յունահայ գաղութի ազգային հաստատութիւններուն մէջ: Աստուծոյ երկիւղը սրտին մէջ՝ մենք տեղեակ ենք, միշտ մնալով պատուական հաւատարիմ հաւատացեալ մը:

Ազնուամիայլ իր կողակիցը՝ Մայտա Պալթայեան, որ գաղութին ծանօթ Ջաքեան ընտանիքի շառաւիղէն կը սերի: Մենք ճանչցած ենք զինք, հին ժամանակի Հ.Բ.Ը.Միութեան Տիկնանց օժանդակ Յանձնախումբի անդամներու խմբակցութեան մէջ, երբ իրենց գործունէութեամբ ձեռնարկներուն մաս կը կազմէր, նախ Տիկ. Պէթրիս Տիամեսի-Մանտիկեան՝ ապա Տիկ. Ջապէլ Գալփաքեանի օրերուն:

Ան միշտ վայելուչ պատկառելի ներկայութիւն մըն էր, մարդկային հարուստ ազնիւ գեղեցիկ շնորհալի նկարագրի յատկութիւններով: Տեսականօրէն որոշապէս զգալի էր դէմքին վրայ նուրբ եւ գուարթ ժպիտը: Ընդհանրապէս սակաւախօս էր, իսկ երբ խօսէր՝ իր արտայայտութեան եղանակին մէջ՝ դիմացինին կը զգացներ յարգանքի մեծարանքի նրբութեան մը փափկանկատութիւնը: Ան իր զգեստաւորումի ընտրութեան մէջ՝ պարզ եւ նրբաձաշակ էր եւ իր շրջապատին մէջ միշտ օգտակար եղած է բարոյապէս եւ նիւթապէս:


Ինչպէս ըսինք՝ անհետացաւ այդ սերունդը, իր ետին ձգելով ազգային բարոյական ժառանգութիւն մը՝ հարստութիւն մը, որ տեղին է յիշել, որպէսզի օգտուինք հին օրերու գեղեցկութիւններէն՝ մեր դժուարին նոր օրերուն մէջ:

Արդարաց յիշատակը դարմացնելով՝ ոչ թէ այն յարգած կ'ըլլանք մեր սիրեցեալները, այլ պահած ըլլանք նաեւ անոնց մեզի ձգած ազգային գեղեցիկ ժառանգութիւնները:

Ձաւէն Գրիգորեան

Հայաստանի Մէջ Գորգերու Արտադրութիւնը Աճած է

Հայաստանի մէջ գորգերու եւ գորգագործական արտադրատեսակներու արտադրութիւնը 2017-ի ընթացքին մեծ մասամբ անկման ցուցանիշներ արձանագրած է, սակայն տարեկան կտրուածքով գորգերու արտադրութիւնը աճած է:



ՀՀ ազգային վիճակագրական ծառայութեան տեղեկութիւններով՝ նախորդ տարի հանրապետութեան մէջ արտադրուած է 19.8 թոն գորգ եւ գորգեղէն՝ 2016-ի համեմատ աճելով 10%-ով:

Նշենք, որ 2016-ի Հայաստանի մէջ արտադրուած է 18 թոն գորգ եւ գորգեղէն, 2015-ին՝ 41 թոն:

Յիշեցնենք, որ նախորդ տարի ՀՀ վարչապետ Կարէն Կարապետեանը յայտարարած էր, որ Հայաստանի մէջ թեթեւ արդիւնաբերութեան, մասնաւորապէս գործուածքի, կաշեգործութեան, կօշկակարութեան եւ գորգագործութեան ոլորտներուն համար արտօնութիւններ պէտք է սահմանուին: Մարզերու մէջ ճիւղի զարգացումը խրախուսելու համար արտօնութիւններ պէտք է ըլլան Երեւանէն դուրս գործունէութիւն ծաւալողներու համար, ինչպէս նաեւ պիտի խրախուսուին նոր աշխատատեղ ստեղծողները, պետական օգնութիւն պիտի ըլլայ:

AGBU **Հ. Բ. Ը. Մ.**

SEVERIAN GENERAL BENEFICENT UNION ATHENS

ՅՈՒՆԱՍՏԱՆԻ ԿԵՂՐ. ՅԱՆՁՆԱԺՈՂՈՎ ՀՐԱԻԷՐ ԸՆԴՀԱՆՈՒՐ ԱՆԴԱՄԱԿԱՆ ԺՈՂՈՎԻ

Յանձնաժողովիս Վարչութիւնը, նկատի ունենալով Միութեան Ծրագրի ու Կանոնագրի 17, 18, 19 եւ 20 յօդուածները, այսու կը հրաւիրէ իր բոլոր իրաւասու անդամ-անդամուհիները, ներկայ գտնուելու տարեկան Ընդհանուր Անդամական Ժողովին, որ տեղի պիտի ունենայ, Կիրակի 4 Մարտ 2018ի, առաւօտեան ժամը 10ին, Հ. Բ. Ը. Միութեան «Ա. Գալփաքեան» վարժարանի «Հրանդ եւ Լուիզ Տէներճեան» հանդիսարանին մէջ, Նաֆփիլու փողոց, թիւ 11, Փալէօ Ֆալիքօ, հեռ. 210-9825685: Մեծամասնութիւն չգոյանալու պարագային, Ընդհանուր Անդամական Ժողովը պիտի յետաձգուի, որպէսզի վերջնականօրէն գումարուի յաջորդող Կիրակի 11 Մարտ 2018, նոյն ժամուն, նոյն վայրը եւ նոյն օրակարգով:

Օ Ր Ա Կ Ա Ր Գ

1. Ներկայացում ու վաւերացում 2017 տարեշրջանի տեղեկագրին:
2. Ներկայացում 2017 տարեշրջանի նիւթական հաշուետուութեան:
3. Զեկոյց Հաշուեքննիչ Յանձնախումբի կողմէ:
4. Վաւերացում 2017 տարեշրջանի նիւթական հաշուետուութեան:
5. Ներկայացում ու վաւերացում 2018 տարեշրջանի նախահաշիին:
6. Ոչ Հայ աշակերտներու յաճախում՝ Հ. Բ. Ը. Մ. «Ա. Գալփաքեան» վարժարանին:
7. Փոխարինել Հ. Բ. Ը. Մ. «Ա. Գալփաքեան» վարժարանի երկու դպրոցական ինքնաշարժները:
8. Զանազան այլ հարցեր:
9. Հաշուեքննիչ Յանձնախումբի ընտրութիւն:
10. Վարչութեան ընտրութիւն:

Ի դիմաց

Հ. Բ. Ը. Միութեան Յունաստանի Կեղր. Յանձնաժողովի
 Ատենադպիր Ատենապետ
 Մ. ԲՕՆԻՐՈՒ ԴՈՎՏ. Հ. ՄԱՐՈՒՔԵԱՆ

Ծանօթ.-

1) Ըստ Միութեան Ծրագրի ու Կանոնագրի 19րդ յօդուածին, Վարչութեան եւ Հաշուեքննիչ Յանձնախումբի թեկնածուները պէտք է կատարած ըլլան իրենց տնտեսական պարտաւորութիւնները եւ գրաւոր ներկայացնել իրենց թեկնածութիւնը, մինչեւ Շաբաթ 3 Մարտ 2018, կէսօրուայ ժամը 12ին, Միութեան գրասենեակը (Նաֆփիլու փողոց, թիւ 11, Փալէօ Ֆալիքօ):

2) Այն անդամ – անդամուհիները որ նախորդ տարիներու տնտեսական պարտաւորութիւնները չեն կատարած եւ կը փափաքին ներկայ գտնուելու Ընդհանուր Անդամական Ժողովին, կրնան կատարել իրենց պարտաւորութիւնները ըստ Միութեան Ծրագրի ու Կանոնագրի 6րդ յօդուածին, մինչեւ Ընդհանուր Անդամական Ժողովին վերջը, եթէ ոչ ինքնազօր պիտի չնկատուին Միութեան անդամ – անդամուհի:

Աթէնք, 30 Յունուար 2018

Պագար – վաճառք

Արարատ Մ.Մ.Միությունը սիրով կը հրաիրէ հայ հասարակութիւնը, առտնին-տնային ուտեստեղէններու պահածոներու մաքրութեան և այլ տնային իրերու բացառիկ պագարին:

Դուք ձեր այցելութեամբ, մատչելի գիներով ու զեղչով գնումներ կրնաք կատարել քան շուկայի հանրա-խանութներու ընդհանուր հասարակաց գիներէն:

Պագար-վաճառքին պիտի գտնէք հանրա-խանութային ուտեստեղէններու, տունի մաքրութեան հեղուկներ և փոշիներ և զանազան այլ իրեր:

Վաճառքը տեղի կ'ունենայ Կիրակի, 18 Մարտ 2018-ին առաւօտեան ժամը 10:00-էն մինչև երեկոյան 6:00: Հ.Բ.Ը.Մ.-Արարատ կեդրոնի՝ Անանիա եւ Վարդուհի Խաչատուրեան ւրահէն ներս:

ԱՐԱՐԱՏ Մ.Մ.Միութեան Վարչութիւն

Ռուսիոյ Մէջ Արամ Խաչատրեանի Մասին Տիւր կը Նկարահանուի

Ռ ո ս ս յ ա յ ա ն Եարոսլաւ քաղաքին մէջ մեկնարկած են «Սուսերով պարը» գեղարուեստական ֆիլմի նկարահանումները, որ պիտի ըլլայ առաջին երկար 2 ա ը ա ն կ ա ը ը խորհրդային շրջանի մեծագոյն երաժշտահան Արամ Խաչատրեանի մասին: «Տիւր նկարահանումներու առաջին շրջանը կ'անցնի Եարոսլաւի մէջ, ուր կը նկարահանուին Արամ Խաչատրեանի հանդիպումները խորհրդային շրջանի յայտնի ջութակահար Դաւիթ Օյտրախի եւ յայտնի երաժշտահան Տմիթրի Շուքարովիչի հետ», - ըսած է շարժանկարի արտադրող Տիգրան Մանասեանը: Այս մասին, ըստ PanArmenian.net-ի կը յայտնէ rusarminfo-ն:



Եարոսլաւէն ետք, 2018-ի Ապրիլին, նկարահանող խումբը պիտի մեկնի Հայաստան՝ նկարահանումները շարունակելու Երեւանի, Դիլիջանի եւ Խոր Վիրապի մէջ:

Տիւրին գործողութիւնները կը վերաբերին յատկապէս 1942-ին, երբ Գիրովի անուան (Մարիինեան) թատրոնը տարհանուեցաւ Ուրալ, ուր Արամ Խաչատրեանը աւարտին հասցուց «Գայիանէ» պալէն: Գործողութիւնները կը ծաւալին նաեւ Հայաստանի մէջ, ուր 1939-ին երաժշտահանը գրած է «Երջանկութիւն» պալէն:

«Սուրերով պար»-ի բեմադրիչն է խորհրդային շրջանէն յայտնի Եուսուբ Ռազիբովը: Շարժանկարի արտադրողն է Ռուբէն Տիշտիշեանի «Մարս Մետիա» ռուսաստանեան ընկերութիւնը, իսկ հայկական կողմէն արտադրողն է Վարէն Ղազարեանը:

Կը ծրագրուի, որ Արամ Խաչատրեանին նուիրուած առաջին գեղարուեստական ֆիլմը մեծ պաստառ բարձրանայ 2018-ի վերջը կամ 2019-ի սկիզբը: Տիւրի ստեղծման նիւթապէս կ'աջակցին ՀՀ ու ՌԴ մշակոյթի նախարարութիւնները:

Խաչատրեանը 20-րդ դարու ամենաճանաչուած հայ երաժշտահանն էր, ինչպէս նաեւ հայկական առաջին պալէի, սիմֆոնիայի, քննսերթի եւ ֆիլմի երաժշտութեան հեղինակը:

Քառասուն Մանուկ

Տարույս Մարտ 9-ին ժամը 19:00 կը հրաիրենք բոլորիդ ներկայ գտնուելու Փերիսթերիի Առաջնորդական Սուրբ Աստուածածին եկեղեցւոյ մէջ երեկոյեան ժամերգութեան, որմէ յետոյ պիտի կատարուի նախատօնակ Քառասուն Մանկանց տօնի:

Հոգաբարձութիւն Փերիսթերիի Ս. Աստուածածին եկեղեցւոյ

Հոգեհանգիստ

Տէր եւ Տիկ. Յակոբ եւ Ռոզալիյն Քիրքճեան եւ զաւակները, Տէր եւ Տիկ. Մերգօ եւ Վայանէ Քիրքճեան եւ զաւակը, Տէր եւ Տիկ. Քերոբ եւ Լուսի Էքիզեան եւ զաւակները եւ համայն ազգականները հոգեհանգիստ կը խնդրեն իրենց սիրեցեալ մօր, մեծ մօր, հարազատին՝

Ալիս Քիրքճեանի

մահուան առաջին տարեկիցին աթօի որ տեղի պիտի ունենայ Կիրակի, 18 Մարտ, 2018-ին, Փերիսթերիի Ս. Աստուածածին եկեղեցւոյ մէջ առաւօտեան ժամը 13.00-ին:



Αναγνώστες, φίλαθλο κοινό και οπαδοί της ομάδας της παροικίας μας ΜΑΣΣΙΣ

Τετάρτη 21/02/2018 στις 22.00 μ. μ η ομάδα μας έχοντας μείνει με πέντε παίκτες λόγω ανωτέρας βίας σε ένα συναρπαστικό ματς, έκανε κατάθεση ψυχής και έκαμψε την σθεναρή αντίσταση της ψυχωμένης αντιπάλου κερδίζοντας τους 5-4 υπό την καθοδήγηση του Λεβόν Αγαζαριάν με τα παλικάρια Αλέξανδρος, Σουρέν, Γκαρίκ, Αρντάγκ και τον Βενιαμίν μας Αρτούρ.

Και την Παρασκευή 23/02/2018 στις 22.00 μ.μ η ομάδα της Παρασκευής κέρδισε 9-5 διατηρώντας το αήττητο σερί και σημειώνοντας την 13η διαδοχική νίκη, επίδοση ρεκόρ στην ιστορία της ομάδας μας.

Η παρέα-οικογένεια-ομάδα μας, αποτελούνταν από τους Χαμπίκ, Ρόμπερτς, Άλμπερτ, Γκαρίγκ, Σιράκ, Σουρέν, Χατσίκ υπό την καθοδήγηση όπως έχουμε μάθει να λέμε του Λεβονάρα μας.

Σύντομα θα έχουμε στιγμιότυπα στο κανάλι μας στο YouTube.

Հետեւելով ռուսական երաժշտութեան աւանդոյթներուն՝ ան իր ստեղծագործութիւններուն մէջ օգտագործած է հայկական եւ կովկասեան, արեւելեան եւ արեւմտեան Եւրոպայի, Մերձաւոր Արեւելքի ժողովուրդի ազգային երաժշտութիւնը:

ՄԻՋԻՆՔ

Արարատ Մ.Մ.Միութեան Տիկնանց Մարմինը կը կազմակերպէ աւանդական Միջինք-երեկոն,

Երկուշաբթի՝ 12 Մարտ, 2018 երեկոյեան ժամը 6.30-ին

Արարատի "Անանիա եւ Վարդուհի Խաչատուրեան" ւրահին մէջ:

Ներկաները պիտի համտեսեն Պահքի ճաշեր, պատրաստուած մեր տիկիներուն դալար ձեռքերով:

Երեկոն պիտի ձոխանայ գեղարուեստական յայտագրով:

ՆՈՐ ԱՇԽԱՐՀ ԱԶԳԱՅԻՆ, ՄՇԱԿՈՒԹԱՅԻՆ. ՀԱՍԱՐԱԿԱԿԱՆ ՇԱԲԱԹԱԹԵՐԹ Մեփականութիւն ԱՐԱՐԱՏ Մ Մ ՄԻՌՈՒԹԻՒՆ Միւթու 33, Նիքէա, Յունաստան Համակարգչային շարուածքը եւ էջադրումը՝ ՆՈՐ ԱՇԽԱՐՀ շաբաթաթերթի

Տնօրէն՝ Հնկ. Սարգիս Խաչատուրեան Սրտօնատէր - Փաստաբան՝ ընկ. Յակոբ Տէսճեան

«ՈՐ ԱՏՃԱՐ» Արմենիկ Էթոմաճաճաճ Էթեմերիճա Իճոկտէթիճա «ԱՐԱՐԱՏ» Փիլոլոլոլոլոլոլոլոլոլ Տօմաթիճո

Լիւթոնտիճ Տարկիճ Ճատտօւրիճ Էկճոճ - Իճկօթօ Փեթճիճ Լիկէթօթօ

Տէթօճ 33 - ՏԻ 18450 - Նիկաճ Դէլ: 210-4926085 «ՈՐ ԱՏԻԻԱՐ» Armenian Cultural Social Weekly

33 Sistou Str. GR 18450 NIKEA GREECE Tel-Fax: 00+30+210-4926085

Բացի իմբագրականներէն, յօդուածագիրներու տեսակէտներն ու գաղափարները անպայմանօրէն չեն արտայայտեր թերթին ուղեգիրը:

«Υπηρέτης δυο αφεντάδων»

Η θεατρική ομάδα «Τζιατζάν» του Ελληνοαρμενικού Αθλητικού Φιλολογικού Συλλόγου «ΑΡΑΡΑΤ» παρουσίασε την θεατρική παράσταση του Αγκόπ Μπαρονιάν βασισμένο στο έργο του Ιταλού κωμωδιογράφου Κάρλο Γκόλντονι

«Υπηρέτης δύο αφεντάδων», σε δύο παραστάσεις στις 24/02 και 25/02/2018 στην αίθουσα Ι.Καμπανέλλης του Δημαρχείου Αγίου Ι.Ρέντη με την προσέλευση του κόσμου να είναι συγκινητική.

Sold out!! Και τις 2 ημέρες των παραστάσεων.

Ένα κοινό όπου διασκέδασε, ξέφυγε από το άγχος της καθημερινότητας και καταχειροκρότησε τους συντελεστές όπου έδωσαν την ψυχή τους σε αυτή την κωμωδία.

Το έργο προλόγησε η κ. Λούση Μενεντιάν όπου αναφέρθηκε και στην πορεία της θεατρικής ομάδας όπου φέτος έκλεισε 10 χρόνια παρουσίας και αυτή ήταν η 12η θεατρική παρουσίαση της αφιερωμένη στον Σογομών Γκεμτζιάν.

Την σκηνοθεσία του έργου είχε αναλάβει ο Χάικ Κασαρτζιάν.

Την μετάφραση από τα αρμένικα στα ελληνικά η Γεράν Γαζαριάν.

Μουσική επιμέλεια του Νίκου Χατζηλευθερίου.

Σκηνικά Ντίνα Καλλιμάνη

Κείμενα αφηγητή -στίχοι τραγουδιών - Αντώνη Πετράτου.

Αφηγητής Αρμάν Μενετιάν

Ηθοποιοί:

1)Αντόν: Κρικόρ Τσαπαριάν

2) Θεόφιλ: Χερμάν Μενετιάν

3)Υπηρέτης Κομίκ: Σωτήρης Σεμερτζιάν

4)Μαρκρίντ κόρη Αντόν: Γεωργία Μαρκίδη

5)Γερβάντ ανιψιός Θεοφίλ: Αναστάσης Παναουδάκης

6) Πιραπ μητέρα Κομίκ : Σονα Γκαλσιάν

Ένα μεγάλο Ευχαριστώ εκ μέρους του ΔΣ του συλλόγου «ΑΡΑΡΑΤ» αλλά και όλων των συντελεστών της θεατρικής ομάδας σε όλο τον κόσμο που αγκάλιασε την προσπάθεια μας.

